



Joint Council for
Qualifications

**TGAU, TAG,
Projectau (yn cynnwys Project Estynedig)**

Gwasanaethau ar ôl y Canlyniadau

- **Ail-wiriadau clerigol**
- **Adolygu'r marcio**
- **Adolygu'r cymedroli**
- **Dychwelyd sgriptiau**

**Gwybodaeth a chanllawiau i ganolfannau ar
gyfer arholiadau a gymerwyd yn ystod:**

**Cyfres Arholiadau Mehefin 2019 a Thachwedd
2019**

Cynhyrchwyd ar ran:



Pwyntiau cyswllt cyrff dyfarnu

Corff Dyfarnu	COFRESTRU, CYFLWYNO A GWYBODAETH AR-LEIN DYLID CYFLWYNO CEISIADAU AR-LEIN	Rhif Ffôn Rhif Ffacs (dim ond os nad yw gwneud cais ar-lein yn bosibl y dylech ddefnyddio ffurflen gais)	Cyfeiriad Post (dim ond os nad yw gwneud cais ar-lein yn bosibl y dylech ddefnyddio ffurflen gais)
AQA	e-AQA www.aqa.org.uk Dewiswch y ddolen gyswllt e-aqa I gofrestru, ewch ar-lein neu ffoniwch: 0844 209 6614	Ffôn: 0800 197 7162	Os nad yw canolfannau yn gallu cyflwyno cais trwy ddefnyddio e-AQA, dylent gysylltu ag AQA ar 0800 197 7162
CCEA	www.ccea.org.uk I gofrestru ewch ar-lein neu cysylltwch â'r adran <i>Centre Support</i> ar 028 9026 1200 est 2410 neu 2443 neu anfonwch e-bost at centresupport@ccea.org.uk	Ffôn: 028 9026 1451 Ffacs: 028 9026 1290	CCEA Clarendon Dock 29 Clarendon Road Belfast BT1 3BG
City & Guilds	www.cityandguilds.com Am wybodaeth, anfonwch e-bost at policy@cityandguilds.com	Ffôn: 020 7294 2772	City & Guilds 1 Giltspur Street Llundain EC1A 9DD
OCR	Interchange www.ocr.org.uk I gofrestru ewch i www.ocr.org.uk neu cysylltwch â'r <i>Customer Contact Centre</i> yn OCR ar 01223 553998	Ffôn: 01223 553998	Os nad yw canolfannau'n gallu cyflwyno cais trwy <i>Interchange</i> dylent gysylltu â'r <i>Customer Contact Centre</i> yn OCR ar 01223 553998.
Pearson	Edexcel Online www.edexcelonline.org.uk I gofrestru ar gyfer <i>Edexcel Online</i> , ewch i: qualifications.pearson.com/en/contact.us.html	Ffôn: Canolfannau cartref: 0344 463 2535 Canolfannau rhyngwladol: +44 (0) 1204 770696	Os nad yw canolfannau'n gallu cyflwyno cais gan ddefnyddio Edexcel Online, dylent gysylltu â'r Tîm Gwasanaeth Cwsmeriaid trwy ffonio: Canolfannau cartref: 0344 463 2535 Canolfannau rhyngwladol: +44 (0) 1204 770696
CBAC	Gwefan Ddiogel CBAC www.wjecservices.co.uk I gofrestru, anfonwch gais e-bost i securewebsite@wjec.co.uk gan ddyfynnu rhif y ganolfan, enw'r ganolfan ac enw cyswllt.	Ffôn: 01443 845619	Gwasanaethau ar ôl y Canlyniadau CBAC Uned A16/17 Ffordd Gwaelod Y Garth Stad Ddiwydiannol Trefforest Pontypridd Rhondda Cynon Taf CF37 5XF

Cynnwys	Tudalen
ADRAN UN: Cyffredinol	
1. Cyflwyniad	1
2. Dyddiadau allweddol a therfynau amser Cyfresi Mehefin 2019 a Thachwedd 2019	2
3. Ffioedd	4
ADRAN DAU: Adolygu Canlyniadau (AC) ac Apeliadau	
4. Adolygu Canlyniadau (AC)	
4.1 Cyfrifoldebau'r ganolfan	5
4.2 Cydsyniad yr ymgeisydd	5
4.3 Gwasanaethau Adolygu Canlyniadau	6
4.4 Cyflwyno ceisiadau	11
4.5 Cydnabyddiaeth	11
4.6 Canlyniad ymholiadau	12
4.7 Os oes pryderon gan ganolfan am farcio carfan	13
4.8 Marciau Graddfa Marciau Unffurf (GMU) – cymwysterau TAG a TGAU unedol	14
4.9 Camymddwyn gan ymgeiswyr	14
5. Apeliadau	15
ADRAN TRI: Dychwelyd Sgriptiau	
6. Dychwelyd Sgriptiau (DS)	
6.1 Trefniadau dychwelyd sgriptiau arholiad wedi'u marcio	16
6.2 Amodau'r gwasanaeth Dychwelyd Sgriptiau (DS)	16
6.3 Copïau o sgriptiau i gefnogi adolygiadau o'r marcio	17
6.4 Copïau o sgriptiau i gefnogi addysgu a dysgu	17
6.5 Cynlluniau marcio	17
6.6 Cael gwared ar sgriptiau	18
Atodiad A – Ail-wirio clerigol, adolygiad o farcio ac Apeliadau – ffurflen cydsyniad yr ymgeisydd a Gwybodaeth i ymgeiswyr	19
Atodiad B – Ffurflen cydsyniad yr ymgeisydd i gael dychwelyd sgriptiau arholiad a'u defnyddio	20

ADRAN UN: Cyffredinol

1. Cyflwyniad

1.1 Ceir tair adran i'r llyfryn hwn:

- **Adran Un** rhoi golwg gyffredinol ar broses y gwasanaethau ar ôl y canlyniadau;
- **Adran Dau** cyfeirio at Adolygiadau o Ganlyniadau (ail-wirio clerigol, adolygiad o farcio ac adolygiad o gymedroli ac Apeliadau);
- **Adran Tri** cyfeirio at Ddychwelyd Sgriptiau.

1.2 Mae'r llyfryn hwn yn nodi'r trefniadau cyffredin ar gyfer gwasanaethau ar ôl canlyniadau. Fodd bynnag, gallai cyrff dyfarnu gynnig gwasanaethau ychwanegol ar ôl canlyniadau. Gan y bydd y cyrff dyfarnu yn cyhoeddi eu canllawiau gweinyddol eu hunain am wasanaethau ar ôl canlyniadau, **darllenwch y llyfryn hwn ynghyd ag unrhyw wybodaeth a gyhoeddir gan y cyrff dyfarnu os gwelwch yn dda**. Dylai canolfannau gyfeirio at wefannau cyrff dyfarnu.

1.3 **Nid yw'r** llyfryn hwn yn ymwneud â'r gwasanaethau canlyniadau coll ac anghyflawn (MIR) sy'n ymdrin â phryderon am y mathau canlynol o ganlyniadau:

- **'Dim canlyniad' (X)**
- **'Absenoldeb Rhannol' (e.e. D#);**
- **'Yn aros am ganlyniad' (Q).**

I ymholi am ganlyniad o'r fath, dylid cyfeirio at y ddogfennaeth berthnasol a ddarperir gan y corff dyfarnu unigol.

Bydd y corff dyfarnu'n ymchwilio i'r ymholiad ac yn cyflwyno adroddiad amdano yn ddi-dâl. Gellir datrys y rhan fwyaf o'r ymholiadau ar y diwrnod canlyniadau penodol trwy wiriadau prosesu.

1.4 Yn achos ymgeiswyr sy'n dilyn **manylebau unedol TGAU†, TAG UG a TAG Safon Uwch** sydd wedi ennill digon o ganlyniadau uned i gael dyfarniad cymhwyster ond heb hawlio ardstiad, gallant wneud hynny'n hwyrach trwy eu canolfan. **Rhaid i'r ganolfan gyflwyno'r cais i'r corff dyfarnu perthnasol cyn y dyddiad cau a gyhoeddir ar gyfer y gyfres dan sylw**. Bydd pob corff dyfarnu'n cyhoeddi ei ganllawiau gweinyddol ei hun, a fydd yn rhoi manylion y dull o gyflwyno ceisiadau ac unrhyw dâl am y gwasanaeth hwn.

†Canolfannau sy'n dilyn manylebau unedol TGAU yng Nghymru a Gogledd Iwerddon.

1.5 Cynghorir canolfannau yn gryf i gyflwyno ceisiadau am adolygiadau o farcio ar gyfer yr holl ymgeiswyr, fesul pwnc, sy'n destun pryder **cyn gynted â phosibl**. Dylai hyn gynnwys pob cydran/uned, **gan edrych ar y pwnc yn ei gyfanrwydd**, lle mae gan y ganolfan bryderon. Yna, bydd y corff dyfarnu yn gallu ystyried ansawdd y marcio yn gyfannol a dechrau unrhyw gamau ymchwilio angenrheidiol mewn modd amserol.

Pwysig: Mae cyrff dyfarnu yn cynghori ymgeiswyr a/neu eu canolfannau i hysbysu unrhyw drydydd parti (fel prifysgol neu goleg) o unrhyw adolygiad o farcio. Ni fydd corff dyfarnu yn hysbysu UCAS nac unrhyw un arall fod cais wedi'i wneud am adolygiad o'r marcio. Gellir cael manylion llawn am y canllawiau a ddarperir gan UCAS drwy ddilyn y canlynol:

<https://www.ucas.com/undergraduate/results-confirmation-and-clearing/results/exam-reviews-and-appeals>

2. Dyddiadau allweddol a therfynau amser

2.1 Er mwyn i'r cyrff dyfarnu allu darparu gwasanaeth effeithlon, mae'n hollbwysig bod canolfannau'n bodloni'r terfynau amser a'r dyddiadau allweddol canlynol. Sylwer bod rhaid cyflwyno ceisiadau i'r cyrff dyfarnu erbyn y dyddiad cau perthnasol.

Rhaid i ganolfannau gyflwyno ceisiadau ar-lein trwy safleoedd allrwyd y cyrff dyfarnu.

2.2 Dyddiadau allweddol a therfynau amser cyfres Mehefin 2019

Dyddiad Allweddol	Adolygu Canlyniadau (AC)	Dychwelyd Sgriptiau (DS)
15 Awst	<ul style="list-style-type: none"> Cyhoeddi canlyniadau TAG UG a Safon Uwch Cyhoeddi canlyniadau'r Project Estynedig Gellir bellach gwneud cais am ail-wiriadau clerigol, adolygiadau o farcio, ac adolygiadau o gymedroli 	<p>Sgriptiau TAG UG a Safon Uwch</p> <ul style="list-style-type: none"> Gall canolfannau ofyn am gopiau o'r sgriptiau TAG UG a Safon Uwch i gefnogi adolygiadau o'r marcio a/neu addysgu a dysgu
22 Awst	<ul style="list-style-type: none"> Cyhoeddi canlyniadau TGAU Cyhoeddi canlyniadau Project Sylfaen ac Uwch Gellir bellach gwneud cais am ail-wiriadau clerigol, adolygiadau o farcio, ac adolygiadau o gymedroli 	<p>Sgriptiau TGAU‡ (§gweler tudalen 3)</p> <ul style="list-style-type: none"> Gall canolfannau ofyn am gopiau o sgriptiau TGAU i gefnogi adolygiadau o farcio a/neu addysgu a dysgu
22 Awst	<ul style="list-style-type: none"> TERFYN AMSER ar gyfer adolygiadau marcio Gwasanaeth Blaenoriaethol 2 (Cymwysterau TAG Safon Uwch yn unig) 	<ul style="list-style-type: none"> TERFYN AMSER i gyrff dyfarnu dderbyn ceisiadau am gopiau o sgriptiau TAG UG a Safon Uwch i gefnogi adolygiadau o farcio
29 Awst		<ul style="list-style-type: none"> TERFYN AMSER i gyrff dyfarnu dderbyn ceisiadau am gopiau o sgriptiau TGAU i gefnogi adolygiadau o farcio
5 Medi		<ul style="list-style-type: none"> Y dyddiad hwyraf y bydd canolfannau yn derbyn copïau o sgriptiau i gefnogi adolygiadau o farcio (Sgriptiau TAG UG, TAG Safon Uwch a TGAU)
19 Medi	<ul style="list-style-type: none"> TERFYN AMSER ar gyfer Adolygu Canlyniadau (AC): Dyddiad olaf i gyrff dyfarnu dderbyn ceisiadau TERFYN AMSER i gyrff dyfarnu dderbyn ceisiadau am ddyfarniadau pwnc hwyr (Cymwysterau unedol TGAU, TAG UG a Safon Uwch) 	
26 Medi		<ul style="list-style-type: none"> TERFYN AMSER i gyrff dyfarnu dderbyn ceisiadau am gopiau o sgriptiau i gefnogi addysgu a dysgu

Cyfes arholiadau TGAU Tachwedd 2019

- 2.3 †Ar gyfer cyfes arholiadau TGAU Tachwedd 2019, y dyddiad cau terfynol i gyrff dyfarnu dderbyn ceisiadau am gopïau o sgriptiau i gefnogi adolygiadau o farcio yw **23 Ionawr 2020, saith diwrnod ar ôl cyhoeddi'r canlyniadau.**
- 2.4 Ar gyfer cyfes arholiadau TGAU Tachwedd 2019, y dyddiad cau terfynol ar gyfer Gwasanaethau Adolygiad o'r Canlyniadau yw **13 Chwefror 2020, bedair wythnos ar ôl cyhoeddi'r canlyniadau.**
- 2.5 †Ar gyfer cyfes arholiadau TGAU Tachwedd 2019, y dyddiad cau terfynol i gyrff dyfarnu dderbyn ceisiadau am gopïau o sgriptiau i gefnogi addysgu a dysgu yw **20 Chwefror 2020, bum wythnos ar ôl cyhoeddi'r canlyniadau.**
- 2.6 **Ni dderbynnir ceisiadau sy'n cyrraedd ar ôl y dyddiad cau perthnasol.**
Am ragor o fanylion, gweler **adran 4.5 – Cydnabyddiaeth, tudalen 11.**

Ar gyfer cymwysterau TGAU unedol yng Nghymru a Gogledd Iwerddon, cyfes arholiadau Ionawr 2020, gweler <http://www.icq.org.uk/exams-office/key-dates-and-timetables>
Ar gyfer cymwysterau a chyfresi eraill, gweler gwefannau'r gyrff dyfarnu.

†Dylai canolfannau wirio gwefannau gyrff dyfarnu ynghylch argaeledd copïau o sgriptiau TGAU.

*Gellir gohirio dychwelyd sgriptiau os yw canolfan wedi gofyn am adolygu'r marcio yn yr un uned/gydran.

Mewn achosion eithriadol, lle cyhoeddwyd canlyniadau ar ôl y dyddiad cyhoeddi arferol, bydd y dyddiad cau ar gyfer cyflwyno ceisiadau yn cael ei ymestyn am gyfnod o'r un hyd.

3. Ffioedd

- 3.1 Mae'r ffioedd am wasanaethau ar ôl y canlyniadau (Dychwelyd Sgriptiau, ail-wiriadau clerigol, adolygiadau o farcio, ac adolygiadau o gymedroli) yn cael eu pennu'n annibynnol gan bob corff dyfarnu unigol.
- 3.2 Bydd cyrff dyfarnu'n cyhoeddi eu trefniadau eu hunain yn ymwneud â'r ffioedd a godir am wasanaethau ar ôl y canlyniadau.
- 3.3 Am wiriadau clerigol ac adolygiadau o farcio, ni fydd y ffi yn cael ei chodi os bydd y graddau pwnc yn cael eu newid.
- 3.4 Am adolygiadau o gymedroli, ni fydd y ffi yn cael ei chodi os bydd marciau'r ganolfan yn cael eu hadfer.
- 3.5 Lle gwneir cais am gopiâu o sgriptiau fel rhan o'r gwasanaeth Dychwelyd Sgriptiau, bydd y cyrff dyfarnu fel arfer yn anfonebu'r ganolfan ar ôl cyflenwi'r copiâu.

ADRAN DAU: Adolygu Canlyniadau (AC) ac Apeliadau

4. Adolygu Canlyniadau (AC)

4.1 Cyfrifoldebau'r ganolfan

- 4.1.1 **Rhaid** i holl staff y ganolfan fod yn gwbl ymwybodol o'r broses ar ôl canlyniadau, **gan gynnwys y terfynau amser a gyhoeddwyd ar gyfer ail-wiriadau clerigol, adolygiadau o farcio ac adolygiadau o gymedroli.**

Rhaid i ganolfannau sicrhau bod ymgeiswyr yn gwybod y trefniadau ar gyfer ail-wiriadau clerigol, adolygiadau o farcio ac adolygiadau o gymedroli **cyn** iddynt sefyll unrhyw arholiad(au). Mae'r trefniadau hyn hefyd yn berthnasol i ymgeiswyr preifat.

Rhaid i uwch aelodau o staff y ganolfan fod ar gael i ymgeiswyr yn syth ar ôl cyhoeddi'r canlyniadau fel y gellir trafod y canlyniadau a gwneud penderfyniadau o ran cyflwyno ceisiadau am adolygu'r marcio. **Rhaid** rhoi gwybod i'r ymgeiswyr am y cyfnodau y bydd staff y ganolfan ar gael fel eu bod yn gallu cynllunio'n unol â hynny.

Ar gyfer ymgeiswyr mewnol bydd cyrff dyfarnu **ond** yn derbyn ceisiadau am adolygiadau o farcio gan ganolfannau ac nid gan ymgeiswyr neu rieni ymgeiswyr. **Rhaid** i ganolfannau sicrhau bod proses ar waith ganddynt er mwyn i ymgeiswyr mewnol apelio yn erbyn penderfyniad y ganolfan i beidio mynd ar drywydd adolygu'r marcio.

Anogir ymgeiswyr preifat i gyflwyno cais i adolygu marciau drwy eu canolfan. Fodd bynnag, gallant gyflwyno cais yn uniongyrchol i gorff dyfarnu. Caiff ymgeiswyr preifat eu hadnabod gan y ganolfan wrth gyflwyno cofrestrïadau a bydd cyrff dyfarnu yn defnyddio'r wybodaeth hon i ddilysu ceisiadau sy'n dod yn uniongyrchol gan ymgeiswyr. Bydd y corff dyfarnu yn rhoi gwybod i ymgeiswyr preifat am y broses ymgeisio.

4.2 Cydsyniad yr ymgeisydd

- 4.2.1 **Mae'n rhaid i ganolfannau gael cydsyniad ysgrifenedig yr ymgeisydd am ail-wiriadau clerigol ac adolygiadau o farcio, gan y gellir gostwng marciau a graddau pwnc yr ymgeiswyr gyda'r gwasanaethau hyn. Os na lwyddir i wneud hyn, bydd yn cael ei ystyried yn gamymddwyn gan ganolfan.**

Rhaid cael cydsyniad yr ymgeisydd am ail-wiriadau clerigol ac adolygiadau o farcio ar ôl cyhoeddi'r canlyniadau.

- **Rhaid** rhoi gwybod i'r ymgeiswyr y gellid gostwng eu marciau a graddau pwnc ac mae'n **rhaid** darparu cydsyniad ysgrifenedig **cyn cyflwyno cais**. (Mae **Atodiad A, tudalen 19** yn rhoi awgrym o ffurflen y gall canolfannau ei defnyddio. **Mae cydsyniad ysgrifenedig yr ymgeisydd drwy e-bost yn dderbyniol hefyd.**)
- **Rhaid** i'r ganolfan gadw ffurflenni neu negeseuon e-bost cydsyniad gan ymgeiswyr am chwe mis o leiaf ar ôl canlyniad ail-wirio clerigol neu adolygiad o farcio neu unrhyw apel ddilynol. Mae'r cyrff dyfarnu'n cadw'r hawl i archwilio unrhyw ddogfennau.
- Mae cais ar-lein yn cynnwys cadarnhad i'r corff dyfarnu bod cydsyniad ysgrifenedig yr ymgeisydd wedi'i gael. (Mae cyflwyno ffurflen gais wedi'i llofnodi'n gwneud yr un peth.)

4.2.2 **Nid** oes angen cydsyniad ysgrifenedig yr ymgeisydd ar gyfer **adolygiad o gymedroli** gan y gellir gostwng marciau ymgeiswyr ond **ni fydd graddau pwnc a gyhoeddwyd yn cael eu gostwng** yn y gyfres dan sylw*. Fodd bynnag, dylai canolfannau fod yn ymwybodol y gellid trosglwyddo marc wedi'i ostwng i ardystiad yn y dyfodol. Er enghraifft, os yw marc asesiad di-arholiad sy'n cyfrannu at ddyfarniad UG (**cymhwyster unedol TAG UG**) yn cael ei ostwng o ganlyniad i adolygiad o gymedroli, bydd y radd UG yn cael ei gwarchod, ond bydd y marc is yn cyfrannu at unrhyw ddyfarniad Safon Uwch dilynol (**cymhwyster unedol TAG Safon Uwch**).

***O ystyried diwygiadau cyfredol Ofqual, dylai canolfannau nodi efallai na fydd graddau pwnc yn cael eu gwarchod yn awtomatig yn dilyn adolygiad o gymedroli mewn cyfresi arholiadau yn y dyfodol. Unwaith y bydd penderfyniad wedi'i wneud, bydd y cyrff dyfarnu sy'n aelodau o'r CGC yn hysbysu canolfannau.**

4.3 Mae'r cyrff dyfarnu'n cynnig y gwasanaethau Adolygiad o Ganlyniadau canlynol.

4.3.1 Gwasanaeth 1 (Ail-wiriad clerigol)

Ail-wiriad o'r holl weithdrefnau clerigol sy'n arwain at gyhoeddi canlyniad yw hwn.

- **Cyflwynwch y cais ar-lein.**
- Mae angen cydsyniad yr ymgeisydd ac mae'n **rhaid** i'r ganolfan ei gadw ar ffeil (**gweler adran 4.2, tudalen 5**).
- **Rhaid** i'r corff dyfarnu dderbyn y cais erbyn **19 Medi 2019** ar gyfer **cyfres arholiadau Mehefin 2019**.
- **Y dyddiad cau ar gyfer cwblhau'r gwaith yw o fewn 10 diwrnod calendr ar ôl i'r corff dyfarnu dderbyn y cais.**

Bydd y gwasanaeth hwn yn cynnwys y gwiriadau canlynol:

- bod holl rannau'r sgrïpt wedi cael eu marcio;
- cyfansymu'r marciau;
- cofnodi'r marciau.

Adroddir canlyniad yr ail-wiriad clerigol ynghyd â datganiad o'r cyfanswm marciau am bob uned neu gydran a gynhwysir yn yr ymholiad.

Ail-wiriadau clerigol Gwasanaeth 1 yn unig y gellir gofyn amdanynt am brofion gwrthrychol (profion dewis lluosog).

4.3.2 Gwasanaeth 2 (Adolygu'r marcio)

Mae'r gwasanaeth ar ôl canlyniadau hwn yn cynnig adolygiad o farcio gwreiddiol i sicrhau bod y cynllun marcio y cytunwyd arno wedi'i gymhwyso'n gywir.

Gall gwall marcio ddigwydd o ganlyniad i:

- gwall gweinyddol;
- methiant i gymhwyso'r cynllun marcio os mai dim ond ateb 'cywir' neu 'anghywir' sydd i dasg;
- arfer barn academiaidd yn afresymol.

Bydd y corff dyfarnu yn hyfforddi ei adolygwyr i gynnal adolygiadau o'r marcio yn gywir ac yn gyson. **Ni fydd adolygwyr yn ail-farcio'r sgrïpt.** Byddant ond yn gweithredu i gywiro unrhyw wallau a nodwyd yn y marcio gwreiddiol.

Mae'r gwasanaeth hwn ar gael ar gyfer y cydrannau a asesir yn allanol mewn manylebau unedol a llinol TAG a TGAU.

- **Cyflwynwch y cais ar-lein.**
- Mae angen cydsyniad yr ymgeisydd ac mae'n **rhaid** i'r ganolfan ei gadw ar ffeil (**gweler adran 4.2, tudalen 5**).
- **Rhaid** i'r corff dyfarnu dderbyn y cais erbyn **19 Medi 2019** ar gyfer **cyfres arholiadau Mehefin 2019**.
- **Y dyddiad cau ar gyfer cwblhau'r gwaith yw o fewn 20 diwrnod calendr i'r corff dyfarnu dderbyn y cais.**

Bydd y gwasanaeth hwn yn cynnwys:

- yr ailwiriadau clerigol a nodir yng Ngwasanaeth 1;
- adolygiad o'r marcio fel y disgrifir uchod.

Pan fo canolfan yn bryderus am farcio carfan gyfan yn y ganolfan, cyfeiriwch at adran 4.7, tudalen 13.

Cynghorir canolfannau yn gryf y dylid cyflwyno ceisiadau am adolygiadau o farcio ar gyfer yr holl ymgeiswyr, fesul pwnc, sy'n destun pryder cyn gynted â phosibl. Dylai hyn gynnwys pob cydran/uned, gan edrych ar y pwnc yn ei gyfanrwydd, lle mae gan y ganolfan bryderon. Yna, bydd y corff dyfarnu yn gallu ystyried ansawdd y marcio yn gyfannol a dechrau unrhyw gamau ymchwilio angenrheidiol mewn modd amserol.

Ni all newidiadau i ganlyniadau ymgeiswyr sy'n deillio o adolygu'r marcio arwain at gais dilynol hwyr am adolygiad o gymedroli.

4.3.3 Gwasanaeth Blaenoriaethol 2 (Adolygu'r marcio)

Mae'r gwasanaeth hwn ar gael ar gyfer y cydrannau a asesir yn allanol mewn manylebau unedol a llinol TAG Safon Uwch.

Mae'r gwasanaeth blaenoriaethol ar ôl canlyniadau hwn yn adolygu'r marcio gwreiddiol i sicrhau bod y cynllun marcio y cytunwyd arno wedi'i gymhwyso'n gywir.

Gall gwall marcio ddigwydd o ganlyniad i:

- gwall gweinyddol;
- methiant i gymhwyso'r cynllun marcio os mai dim ond ateb 'cywir' neu 'anghywir' sydd i dasg;
- arfer barn academiaidd yn afresymol.

Bydd y corff dyfarnu yn hyfforddi ei adolygwyr i gynnal adolygiadau o'r marcio yn gywir ac yn gyson. **Ni fydd adolygwyr yn ail-farcio'r sgrïpt.** Byddant ond yn gweithredu i gywiro unrhyw wallau a nodwyd yn y marcio gwreiddiol.

Pwysig: Mae cyrff dyfarnu yn cynghori ymgeiswyr a/neu eu canolfannau i hysbysu unrhyw drydydd parti (fel prifysgol neu goleg) o unrhyw adolygiad o farcio. Ni fydd corff dyfarnu yn hysbysu UCAS nac unrhyw un arall fod cais wedi'i wneud am adolygiad o farcio. Gellir cael manylion llawn am y canllawiau a ddarperir gan UCAS drwy ddilyn y canlynol:
<https://www.ucas.com/undergraduate/results-confirmation-and-clearing/results/exam-reviews-and-appeals>

- **Cyflwynwch y cais ar-lein.**
- Mae angen cydsyniad yr ymgeisydd ac mae'n **rhaid** i'r ganolfan ei gadw ar ffeil (**gweler adran 4.2, tudalen 5**).
- Ar gyfer **cyfres arholiadau mis Mehefin 2019**, rhaid i'r corff dyfarnu fod wedi derbyn y cais yn ddim hwyrach na **22 Awst 2019 (saith diwrnod ar ôl cyhoeddi'r canlyniadau TAG Safon Uwch)**.
- **Y dyddiad cau ar gyfer cwblhau'r gwaith yw o fewn 15 diwrnod calendr i'r corff dyfarnu dderbyn y cais.**

Cynghorir canolfannau yn gryf y dylid cyflwyno ceisiadau am adolygiadau o farcio ar gyfer yr holl ymgeiswyr, fesul pwnc, sy'n destun pryder cyn gynted â phosibl. Dylai hyn gynnwys pob cydran/uned, gan edrych ar y pwnc yn ei gyfanrwydd, lle mae gan y ganolfan bryderon. Yna, bydd y corff dyfarnu yn gallu ystyried ansawdd y marcio yn gyfannol a dechrau unrhyw gamau ymchwilio angenrheidiol mewn modd amserol.

Os yw ymgeisydd TAG Safon Uwch yn ystyried cael adolygiad o farcio gan ddefnyddio Gwasanaeth Blaenoriaethol 2, yna cyfeiriwch at wefan y corff dyfarnu perthnasol i ddeall goblygiadau gofyn am gopi o'r sgrïpt.

4.3.4 Gwasanaeth 3 (Adolygu'r cymedroli)

Mae'r broses hon yn adolygu'r cymedroli gwreiddiol er mwyn sicrhau bod y meini prawf asesu wedi'u cymhwysu'n deg, yn ddibynadwy ac yn gyson. **Nid ail-gymedroli gwaith yr ymgeiswyr yw hyn.** Bydd y corff dyfarnu wedi hyfforddi ei adolygwyr i gynnal adolygiadau o'r cymedroli yn gywir ac yn gyson.

Sylwer na fydd y gwasanaeth hwn ar gael os yw marciau'r gwaith cwrs a asesir yn fewnol (gwaith cwrs neu asesiad di-arholiad) yn eich canolfan wedi'u derbyn heb newid gan y corff dyfarnu.

- **Cyflwynwch y cais ar-lein.**
- **Nid oes angen cydsyniad ymgeisydd (gweler adran 4.2, tudalen 5).**
- **Rhaid i'r corff dyfarnu dderbyn y cais erbyn 19 Medi 2019 ar gyfer cyfres arholiadau Mehefin 2019.**
- **Y terfyn amser ar gyfer cwblhau'r gwaith yw hyd at 35 diwrnod calendr oherwydd cymhlethdodau ychwanegol y broses fel cydlynu rhwng y ganolfan a'r cymedrolwr, a'r cymedrolwr yn derbyn y sampl gwreiddiol o waith gan y ganolfan.**
- **Dylai canolfannau hysbysu ymgeiswyr Safon Uwch na fydd adolygiadau o gymedroli o angenrheidrwydd yn cael eu cwblhau i fodloni terfynau amser prifysgolion unigol.**
- **Cynhelir y gwaith o adolygu'r cymedroli ar y sampl wreiddiol o waith ymgeiswyr.**
- **Ni fydd adolygiad o gymedroli yn cael ei gynnal ar waith ymgeisydd unigol na gwaith ymgeiswyr nad oeddent yn y sampl gwreiddiol.**

Nid oes modd adolygu'r cymedroli os yw marc ar gyfer cydran a asesir yn fewnol wedi'i drosglwyddo i gyfres ddilynol, e.e. o Fehefin 2018 i Fehefin 2019.

Rhaid i ganolfannau sydd â'r sampl gwaith gwreiddiol yn eu meddiant wneud yn siŵr ei fod yn barod i'w anfon. Bydd manylion y cymedrolwr i anfon y gwaith ato'n cael eu darparu. Ni ddylid anfon gwaith a aseswyd gan y ganolfan wrth gyflwyno'r cais.

Mae'n **rhaid** i waith a gyflwynir i adolygu'r cymedroli:

- gael ei anfon at y cymedrolwr o fewn **tri diwrnod gwaith. Gall methiant i wneud hyn ohirio canlyniad yr adolygiad, neu arwain at ganslo'r adolygiad;**
- bod yn waith gwreiddiol a gyflwynwyd i'w gymedroli;
- bod wedi'i gadw dan amodau diogel a heb ei ddychwelyd at yr ymgeiswyr.

Ni ellir ymgymryd â'r gwasanaeth hwn ar ddeunydd darfodedig onid oes modd darparu tystiolaeth addas (megis recordiad cyfryngau o berfformiadau theatrig).

Dylai canolfannau nodi y gall fod angen iddynt gadw copi o'r gwaith os yw ymgeisydd yn bwriadu ailgyflwyno gwaith ar gyfer y cyfle asesu nesaf.

Rhaid i ganolfannau sy'n gweithredu fel rhan o gonsortiw m gyflwyno ceisiadau ar ran pob canolfan yn y consortiw m hwnnw. Ni all canolfannau unigol yn y consortiw m ofyn am adolygiad o gymedroli ar eu rhan eu hunain yn unig.

Ni all newidiadau i ganlyniadau ymgeiswyr sy'n digwydd ar ôl adolygu'r cymedroli arwain at gais hwyr dilynol i gael adolygu marcio cydran arholiad ysgrifenedig.

4.4 Cyflwyno ceisiadau

Rhaid i ganolfannau gyflwyno ceisiadau ar-lein drwy safleoedd allrwyd y cyrff dyfarnu.

4.4.1 **Y gwasanaethau ar ôl y canlyniadau cyhoeddedig yw'r unig gyfrwng i fynd i'r afael â phryderon am ganlyniadau.**

4.4.2 Lle nad yw'r ganolfan yn gallu defnyddio safle allrwyd corff dyfarnu, **rhaid** i'r ganolfan ffonio'r corff dyfarnu unigol ar unwaith.

4.4.3 **Ni** ellir derbyn llythyrau o bryder fel ceisiadau. **Rhaid** i ganolfannau sydd â phryderon o'r fath ddefnyddio'r gwasanaethau ar ôl y canlyniadau cyhoeddedig. **Ni ddylai canolfannau anfon llythyrau o bryder gyda'u ceisiadau.**

4.4.4 **Rhaid** i bob cais ar ran ymgeiswyr mewnol gael ei gyflwyno (ac felly eu cefnogi gan y ganolfan) gan aelod awdurdodedig o staff y ganolfan.

Gellir cyflwyno ceisiadau ar gyfer ymgeiswyr preifat naill ai drwy'r ganolfan neu'n uniongyrchol i gorff dyfarnu.

Ni fydd cyrff dyfarnu'n derbyn ceisiadau a gyflwynir gan unrhyw unigolion eraill, e.e. gan rieni/gofalwyr.

4.4.5 Rhaid i ganolfannau fod â gweithdrefn apelio ffurfiol y gellir ei defnyddio os na all canolfannau ac ymgeiswyr, neu eu rhieni neu ofalwyr, gytuno a ddylid cyflwyno cais am adolygiad o farcio. **Rhaid** i'r weithdrefn apelïadau ffurfiol gael ei rhannu'n eang. **Rhaid** i ganolfannau dynnu sylw ymgeiswyr a'u rhieni/gwarchodwyr at y weithdrefn apelio. Pan mae canolfannau'n penderfynu a ydynt am gefnogi adolygiad o farcio, dylent ystyried yr holl ffactorau perthnasol a rhoi cyfle rhesymol i ymgeiswyr neu eu rhieni/gwarchodwyr fynegi eu barn. Anogir canolfannau i ymestyn y weithdrefn apelïadau ffurfiol i unrhyw ymgeiswyr preifat. **O ran ymgeiswyr mewnol, dim ond gyda chanolfannau y gall cyrff dyfarnu gynnal trafodaethau am wasanaethau ar ôl canlyniadau.**

Bydd cyrff dyfarnu yn derbyn ceisiadau am wasanaethau ar ôl canlyniadau yn uniongyrchol gan ymgeiswyr preifat.

4.4.6 **Rhaid i ymgeiswyr ddarparu eu cydsyniad ysgrifenedig ar gyfer ailwiriadau clerigol ac adolygiadau o farcio ar ôl cyhoeddi canlyniadau (gweler adran 4.2, tudalen 5, ar gydsyniad ymgeisydd).**

4.4.7 **Rhaid** cyflwyno ceisiadau am bynciau unedol o fewn y cyfnod ymholi yn syth ar ôl cyhoeddi'r canlyniadau am yr uned. **Ni ellir cyflwyno ceisiadau'n adolygol ar gyfer cyfres flaenorol.**

4.4.8 Gweler yr adran ar bwyntiau cyswllt corff dyfarnu (ar du fewn y clawr blaen) am fanylion cyflwyno ceisiadau i'r cyrff dyfarnu.

4.4.9 Ni all cyrff dyfarnu ganslo ymholiad ar ôl ei gyflwyno.

4.5 Cydnabyddiaeth

4.5.1 Cydnabyddir pob cais o fewn **7 diwrnod gwaith**.

4.5.2 Os na dderbynnir cydnabyddiaeth o fewn y cyfnod hwn, yna dylai canolfannau gymryd nad yw'r cais wedi'i dderbyn a **rhaid** iddynt gysylltu â'r corff dyfarnu dan sylw **ar unwaith**. Dylai canolfannau hefyd wirio cynnydd y cais yn rheolaidd.

4.5.3 Os na chysylltir tan ar ôl y dyddiad cau ar gyfer cyflwyno gwasanaethau ar ôl y canlyniadau, nid oes rhaid i'r corff dyfarnu fynd ymlaen â'r cais ar-lein.

4.6 Canlyniad ymholiadau

4.6.1 Bydd canlyniad pob ymholiad yn cael ei gadarnhau gan y corff dyfarnu priodol.

4.6.2 Bydd y corff dyfarnu yn darparu rheswm dros benderfyniad a wneir mewn adolygiad o'r marcio. Os bydd y marc wedi newid, y rheswm fydd naill ai bod gwall gweinyddol neu wall marcio wedi digwydd. Byddai gwall marcio'n digwydd lle na fydd arholwr wedi cymhwyso'r cynllun marcio neu unrhyw weithdrefn berthnasol arall yn gywir, h.y.

- os na roddwyd y marc 'cywir' mewn tasg lle mae marc 'cywir' neu 'anghywir' i'w gael;
- os arferwyd barn academiaidd yn afresymolt†.

Os oes gwahaniaeth o ddwy radd cymhwyster neu fwy rhwng y marciwr gwreiddiol a'r adolygwr, bydd y corff dyfarnu yn rhoi manylion penodol i'r ganolfan.

4.6.3 Mae tri chanlyniad posibl yn deillio o adolygiad o gymedroli:

- dim newid i'r penderfyniad cymedroli gwreiddiol;
- cywiriad i'r penderfyniad cymedroli gwreiddiol;
- adfer marciau'r ganolfan.

Bydd y corff dyfarnu yn rhoi rheswm ar gyfer y ddau ganlyniad cyntaf.

4.6.4 Pan fo gradd yn newid a thystysgrif wedi'i rhyddhau'n flaenorol, bydd un newydd yn cael ei darparu yn dangos y radd ddiwygiedig ar ôl i'r ganolfan ddychwelyd y dystysgrif wreiddiol i'r corff dyfarnu.

4.6.5 Bydd UCAS yn cael ei hysbysu o unrhyw newidiadau i raddau cymwysterau TAG. (**Rhaid** i ganolfannau ymgyswrtu â threfniadau UCAS – <https://www.ucas.com/advisers/?tile=tile-471>).

4.6.6 **Lle bu gostyngiad mewn marciau neu israddio yn dilyn adolygiad o farcio, ni ellir diddymu'r cais ac ni fydd y marc na'r radd wreiddiol yn cael ei adfer.**

†Barn academiaidd yw beth sydd ynghlwm wrth asesu. Gall arholwyr gwahanol ddod i farn gwahanol. Mae afresymoldeb mewn barn academiaidd yn digwydd pan fo'r marc a roddwyd yn un na fyddai unrhyw arholwr rhesymol wedi gallu ei ddyfarnu'n iawn.

4.7 Os oes pryderon gan ganolfan am farcio carfan yn y ganolfan

4.7.1 **Os oes gan ganolfan bryderon am un o'i charfanau cydran/pwnc, yna dylid cyflwyno ceisiadau am adolygiadau o'r marcio ar gyfer yr holl ymgeiswyr maent yn credu yr effeithir arnynt.** Bydd hyn yn galluogi'r corff dyfarnu i ystyried ansawdd y marcio yn gyfannol a rhoi unrhyw gamau cywiro angenrheidiol ar waith yn amserol.

4.7.2 **Rhaid i ganolfannau gael caniatâd ysgrifenedig ymgeisydd am adolygiadau o farcio ar ôl cyhoeddi'r canlyniadau, gan y gellir gostwng marciau a graddau pwnc ymgeiswyr gyda'r gwasanaethau hyn.**

- **Rhaid** hysbysu ymgeiswyr o'r canlyniad posibl hwn a darparu eu cydsyniad ysgrifenedig cyn cyflwyno unrhyw gais. Mae **Atodiad A, tudalen 19** yn rhoi awgrym o ffurflen y gall canolfannau ei defnyddio. **Mae cydsyniad gwybodus yr ymgeisydd drwy e-bost yn dderbyniol hefyd.**
- **Rhaid** i'r ganolfan gadw ffurflenni neu negeseuon e-bost cydsyniad gan ymgeiswyr am chwe mis o leiaf ar ôl canlyniad adolygiad o farcio neu unrhyw apêl ddilydol. Mae'r cyrff dyfarnu'n cadw'r hawl i archwilio unrhyw ddogfennau.
- Mae cais ar-lein yn cynnwys cadarnhad i'r corff dyfarnu bod cydsyniad ysgrifenedig yr ymgeisydd wedi'i gael. Mae cyflwyno ffurflen gais wedi'i llofnodi'n gwneud yr un peth.

4.7.3 Mae angen i ganolfannau fod yn ymwybodol bod corff dyfarnu yn gorfod cymryd camau ymchwilio pellach os oes tystiolaeth i gefnogi hyn, fel tuedd arwyddocaol mewn tan-farcio a gor-farcio.

4.7.4 **Lle mae corff dyfarnu yn dechrau camau ymchwilio, nid yw marciau a graddau pwnc ymgeiswyr wedi eu gwarchod yn awtomatig. Felly, gellir gostwng, cadarnhau neu godi marciau a graddau pwnc ymgeiswyr.**

4.8 Marciau Graddfa Marciau Unffurf (GMU) – manylebau TAG a TGAU unedol

4.8.1 Gellir cael esboniad o sut y cyfrifir marciau unffurf ar wefannau'r cyrff dyfarnu. Fodd bynnag, gallai'r canlynol fod yn ddefnyddiol:

- Marciau crai yw'r marciau a gofnodir ar sgriptiau gan arholwyr – mae'r mwyafswm marciau crai yn wahanol yn ôl yr uned/cydran;
- Adroddir canlyniadau ymgeiswyr mewn pynciau unedol fel marciau unffurf – pennir y rhain ar gyfer pob uned/cydran gyda phwysoliad cyfartal.
- Cyfrifir marciau unffurf o farciau crai;
- Ni fydd perthynas uniongyrchol amlwg rhwng marciau crai a marciau unffurf o angenrheidrwydd;
- Dan rai amgylchiadau, gall amrywiadau bach mewn marciau crai arwain at wahaniaethau GMU mwy;
- **Bydd cyrff dyfarnu yn monitro canlyniad adolygiadau o farcio o ran marciau crai nid marciau unffurf.**

4.9 Ymgeiswyr yn camymddwyn

4.9.1 Os darganfyddir bod ymgeiswyr wedi bod yn camymddwyn yn ystod adolygiad o farcio ar ôl y canlyniadau neu adolygiad o gymedroli ar ôl y canlyniadau, bydd y sgript//gwaith cwrs/asesiad di-arholiad yn cael ei brosesu'n unol â dogfen y CGC *Amau Camymddwyn mewn Arholiadau ac Asesiadau – Polisiâu a Gweithdrefnau*. Efallai y bydd ymgeiswyr yn colli rhai neu'r cyfan o'u marciau, a bydd hyn felly'n effeithio ar y graddau a ddyfarnwyd.

5. Apeliadau

- 5.1 Mae'r broses apeliadau ar gael i ganolfannau ac ymgeiswyr preifat sydd yn dal yn anfodlon **ar ôl derbyn canlyniad adolygiad o ganlyniadau**. Dylid cyfeirio at gyhoeddiad y CGC *Canllaw i Brosesau Apelio'r Cyrff Dyfarnu* sydd ar gael ar wefan y CGC – <http://www.jcq.org.uk/exams-office/appeals>

Mae'r llyfryn uchod yn rhoi manylion llawn prosesau apelio'r cyrff dyfarnu a'r amserlenni cysylltiol.

- 5.2 **Dim ond ar ôl i adroddiad am ganlyniad ymholiad am ganlyniadau gael ei gyflwyno i'r ganolfan y gellir cyflwyno apeliadau.**

Ni ellir cyflwyno apêl yn erbyn penderfyniad cymedroli ar ran ymgeisydd unigol.

- 5.3 **O ran ymgeiswyr mewnol, pennaeth y ganolfan yn unig all gyflwyno apêl i'r corff dyfarnu perthnasol.**

- 5.4 **Rhaid** cyflwyno apeliadau'n ysgrifenedig a dylent nodi'n glir sail yr apêl.

- 5.5 Gall cyrff dyfarnu godi ffi am apeliadau. Ad-delir y ffi hwn os yw'r apêl yn llwyddiannus.

Rhaid i ganolfannau sicrhau bod gweithdrefn apeliadau ffurfiol ar waith i'w defnyddio mewn achosion lle nad yw canolfannau ac ymgeiswyr, neu eu rhieni/gofalwyr, yn gallu cytuno a ddylid cyflwyno apêl i'r corff dyfarnu perthnasol. Rhaid i'r weithdrefn apeliadau ffurfiol gael ei rhannu'n eang. Rhaid i ganolfannau dynnu sylw ymgeiswyr a'u rhieni/gwarchodwyr at y weithdrefn apelio. Wrth benderfynu cefnogi apêl ai peidio, dylai canolfannau ystyried yr holl ffactorau perthnasol a rhoi cyfle rhesymol i ymgeiswyr neu eu rhieni/gofalwyr fynegi eu barn. O ran ymgeiswyr mewnol, gall cyrff dyfarnu drafod apeliadau gyda chanolfannau yn unig. Bydd cyrff dyfarnu'n derbyn apeliadau'n uniongyrchol gan ymgeiswyr preifat.

ADRAN TRI: Dychwelyd sgrïptiau

6. Dychwelyd Sgrïptiau (DS)

Gall canolfannau wneud cais am:

- gopïau o sgrïptiau i gefnogi adolygiadau o farcio a fydd ar gael i ganolfannau erbyn 5 Medi 2019 fan bellaf; a/neu
- copïau o sgrïptiau i gefnogi addysgu a dysgu.

Rhaid i ganolfannau gyflwyno ceisiadau ar-lein drwy safleoedd allrwyd y cyrff dyfarnu.

Gwnewch yn siŵr bod pob aelod o staff yn y ganolfan yn gwbl ymwybodol o'r rheolau ar gyfer y trefniadau hyn. Rhaid i ganolfannau sicrhau bod ymgeiswyr yn ymwybodol o'r trefniadau dychwelyd sgrïptiau cyn iddynt sefyll unrhyw arholiad(au) y mae'r trefniadau hyn yn weithredol ynddynt.

Rhaid i ganolfannau gyflwyno cais ar ran ymgeisydd preifat pan ofynnir iddynt wneud hynny.

6.1 Trefniadau dychwelyd sgrïptiau arholiad wedi'u marcio

6.1.1 Bydd y cyrff dyfarnu yn darparu trefn dychwelyd sgrïptiau wedi'u marcio i ganolfannau a'u hymgeiswyr i'r arholiadau canlynol:

- TAG UG a Safon Uwch
- TGAU

6.1.2 Mae 'sgrïpt' yn cyfeirio at waith ysgrifenedig ymgeisydd sydd yn ganlyniad cydran a asesir yn allanol. **Nid** yw trefniadau Dychwelyd Sgrïptiau'n gymwys yn achos cydrannau a asesir yn fewnol, profion llafar na recordiadau sain/cyfryngau.

6.1.3 Gellir dod o hyd i wybodaeth ychwanegol am y dehongliad o sgrïptiau arholiad wedi'u marcio ar wefannau'r cyrff dyfarnu.

6.2 Amodau'r gwasanaeth Dychwelyd Sgrïptiau (DS)

Oni nodir yn wahanol, mae cyfeiriadau at 'ymgeiswyr' yn cynnwys ymgeiswyr mewnol ac ymgeiswyr preifat. Bydd cyrff dyfarnu ond yn rhyddhau copïau o sgrïptiau i ganolfannau dan yr amodau canlynol:

6.2.1 **Mae gan ymgeisydd yr hawl i roi cyfarwyddyd i'w ganolfan i beidio â gofyn am dychwelyd eu sgrïpt(iau).**

Rhaid felly cael caniatâd ysgrifenedig ymlaen llaw gan unrhyw ymgeisydd lle mae'r ganolfan yn bwriadu gofyn am ei sgrïpt(iau).

Dylid ond gofyn am y cydsyniad hwn ar ôl i'r ymgeiswyr dderbyn eu canlyniadau am y gyfres arholiadau dan sylw. Mae gan ymgeiswyr sy'n rhoi eu cydsyniad yr hawl i gael gwneud eu sgrïptiau'n ddiennw cyn iddynt gael eu defnyddio.

Atodir ffurflen enghreifftiol i staff y ganolfan ei defnyddio wrth ofyn am gydsyniad ymgeisydd i wneud cais am sgrïptiau a'u defnyddio, sef **Atodiad B, tudalen 20. Mae cydsyniad gwybodus yr ymgeisydd drwy e-bost yn dderbynol hefyd.**

6.2.2 Athrawon sy'n aelodau o staff yn y ganolfan honno neu o fewn consortiwm o ganolfannau **yn unig** sy'n cael gweld sgrïptiau neu dylent gael eu dychwelyd yn syth i'r ymgeiswyr.

6.3 Copïau o sgrïptiau i gefnogi adolygiadau o'r marcio

Rhaid i ganolfannau gyflwyno ceisiadau ar-lein trwy safleoedd allrwyd y cyrff dyfarnu.

- 6.3.1 Bydd canolfannau yn gallu gofyn am **gopiâu o sgrïptiau TAG UG, TAG Uwch a TGAU** (os ydyn nhw ar gael) cyn penderfynu a ddylid cyflwyno adolygiad o'r marcio ai peidio.

Os yw ymgeisydd TAG Safon Uwch yn ystyried cael adolygiad o farcio gan ddefnyddio Gwasanaeth Blaenoriaethol 2, yna cyfeiriwch at wefan y corff dyfarnu perthnasol i ddeall goblygiadau gofyn am gopi o'r sgrïpt.

- 6.3.2 **Rhaid** cyflwyno ceisiadau i gyrff dyfarnu ar y dyddiadau canlynol ar yr hwyraf:

Sgrïptiau TAG UG a Safon Uwch:

22 Awst 2019 – saith diwrnod ar ôl cyhoeddi canlyniadau TAG UG ac Uwch;

Sgrïptiau TGAU

29 Awst 2019 – saith diwrnod ar ôl cyhoeddi canlyniadau TGAU.

- 6.3.3 Bydd canolfannau yn derbyn y copiâu erbyn **5 Medi 2019 fan bellaf – bythefnos cyn y dyddiad cau ar gyfer adolygu'r marcio.**

- 6.3.4 **Ni fydd** ceisiadau sy'n cyrraedd ar ôl y dyddiad cau yn cael eu derbyn.

- 6.3.5 Dylai canolfan sy'n mynnu copi o sgrïpt sydd wedi bod yn rhan o ail-wiriad clerigol neu adolygiad o farcio edrych ar wefan y corff dyfarnu perthnasol am ragor o wybodaeth.

6.4 Copïau o sgrïptiau i gefnogi addysgu a dysgu

Rhaid i ganolfannau gyflwyno ceisiadau ar-lein trwy safleoedd allrwyd y cyrff dyfarnu.

- 6.4.1 **Rhaid** i geisiadau gael eu cyflwyno i gyrff dyfarnu erbyn **26 Medi 2019 fan bellaf, wythnos ar ôl y dyddiad cau ar gyfer adolygiadau o farcio.**

- 6.4.2 **Ni fydd** ceisiadau sy'n cyrraedd ar ôl y dyddiad cau yn cael eu derbyn.

6.5 Cynlluniau marcio

- 6.5.1 Bydd copi o'r cynllun marcio perthnasol ar gael i ganolfannau gan y corff dyfarnu, fel arfer ar ôl cyhoeddi'r canlyniadau.

6.6 Cael gwared ar sgriptiau

- 6.6.1 Os yw athrawon wedi defnyddio copïau o sgriptiau ymgeiswyr i bwrpasau addysgu a dysgu ond nad ydynt am eu cadw mwyach, **rhaid** iddynt wneud yn siŵr eu bod yn cael gwared arnynt mewn ffordd gyfrinachol.
- 6.6.2 Ac eithrio deunydd archif, nid yw cyrff dyfarnu yn cadw atebion ymgeiswyr am gyfnod amhenodol. Mae hyn yn cynnwys sgriptiau arholiad a delweddau sgriptiau electronig.

Atodiad A



AQA

City & Guilds

CCEA

OCR

Pearson

CBAC

Ail-wiriadau clerigol, adolygiadau o farcio ac Apeliadau

Ffurflen cydsyniad yr ymgeisydd

Gwybodaeth i ymgeiswyr

Mae'r wybodaeth ganlynol yn esbonio beth all ddigwydd yn dilyn ail-wiriad clerigol, adolygiad o farcio ac unrhyw apêl ar ôl hynny.

Os bydd eich ysgol neu goleg yn gwneud cais am ail-wiriad clerigol neu adolygiad o farcio gwreiddiol, ac yna apêl ddilynol, ar gyfer un o'ch arholiadau ar ôl i'ch gradd yn y pwnc gael ei chyhoeddi, gall tri pheth ddigwydd:

- Bydd eich marc gwreiddiol yn cael ei ostwng, felly gallai eich gradd derfynol fod yn is na'r radd wreiddiol a gawsoch.
- Bydd eich marc gwreiddiol yn cael ei gadarnhau, felly nid oes unrhyw newid i'ch gradd.
- Bydd eich marc gwreiddiol yn cael ei godi, felly gallai eich gradd derfynol fod yn uwch na'r radd wreiddiol a gawsoch.

Er mwyn mynd ymlaen â'r ail-wiriad clerigol neu'r adolygiad o farcio, **rhaid** i chi lofnodi'r ffurflen isod. Mae hyn yn dweud wrth bennaeth eich canolfan eich bod wedi deall beth allai ddigwydd, a'ch bod yn cydsynio i gyflwyno'r ail-wiriad clerigol a'r adolygiad o farcio.

Ffurflen cydsyniad yr ymgeisydd

Rhif y Ganolfan	Enw'r Ganolfan
Rhif yr Ymgeisydd	Enw'r Ymgeisydd

Manylion yr ymholiad (Corff Dyfarnu, lefel y Cymhwyster, teitl y Pwnc, cydran/uned)

.....

.....

Rwyf yn cydsynio i bennaeth fy ysgol neu goleg gyflwyno ail-wiriad clerigol neu adolygiad o farcio ar gyfer yr arholiad(au) a restrir uchod. Wrth gydsynio yr wyf yn deall y gallai'r radd derfynol yn y pwnc a/neu farc sy'n cael ei dyfarnu i mi ar ôl ail-wiriad clerigol neu adolygiad o farcio ac unrhyw apêl ddilynol fod yn is, yn uwch neu'r un peth â'r radd a ddyfarnwyd yn wreiddiol am y pwnc hwn.

Llofnod: Dyddiad:

Dylid cadw'r ffurflen hon yn ffeiliau'r ganolfan am o leiaf chwe mis yn dilyn canlyniad ail-wiriad clerigol, adolygiad o farcio neu unrhyw apêl sy'n cael ei wneud ar ôl hynny.

Atodiad B



AQA City & Guilds CCEA OCR Pearson CBAC

DYCHWELYD SGRIPTIAU

Ffurflen gydsynio ymgeisydd i ddychwelyd a defnyddio sgriptiau arholiad

Rhif y Ganolfan	Enw'r Ganolfan
Rhif yr Ymgeisydd	Enw'r Ymgeisydd
Pwnc	Cod y Gydran/Uned

Rwy'n cydsynio i'm sgriptiau gael eu defnyddio gan fy nghanolfan.

Ticiwch UN o'r blychau isod:-

Os bydd unrhyw un o'm sgriptiau yn cael eu defnyddio yn yr ystafell ddosbarth nid wyf yn dymuno i unrhyw un wybod mai fy sgriptiau i ydynt. Rhaid dileu fy enw a'm rhif ymgeisydd.

Os bydd unrhyw un o'm sgriptiau yn cael eu defnyddio yn yr ystafell ddosbarth nid wyf yn gwrthwynebu os yw pobl eraill yn gwybod mai fi ysgrifennodd y sgriptiau.

Llofnod: Dyddiad:

Dylid cadw'r ffurflen hon ar ffeiliau'r ganolfan am o leiaf chwe mis.